

# MATERA ANJA WAKITÀ UWANA YUHANA ATSETSÈR Première Lettre de Jean

## *Gay anja sifa*

<sup>1</sup> Mètsetser à akul lakèl anja gay anja sifa, uwana agà la ahəŋ dagay la madzəka gudəŋ à vok. Mətsənəŋ, mənəŋəŋ la yewdi gami, ŋgaha mətsəkəl yewdi à gay, ŋgaha bay mədəbanì la ahəl gami aya.

<sup>2</sup> La mok uwana sifa uwaga adasa à waŋ à gudəŋ à vok, mənəŋəŋ, gay gə la uwaga məpəh à akul lakèl anha, ŋgaha məzəkulla sifa uwana adəv à gay aw, nekwa la slaka Zəzagəla, Baba gami, sifa uwatà apəhanula vok la paraka.

<sup>3</sup> Tatak uwana mənənəŋ, ŋgaha la uwana mətsənəŋ, mətəpakulla, kà akul anja magay tekula la maham gay à vok la abà, la Baba, ŋgaha la Kona anha Yesu Kristu.

<sup>4</sup> Mètsetser à akul tatak uwanay kà anu anja mavalàh à zagəla la marabay.

## *Zəzagəla kà masla ufaka*

<sup>5</sup> Aganay uwana Yesu atəpanula, ŋgaha uwaga la uwana mətəpakulla babay, Zəzagəla kà ufaka, tetuwa mələs la ahəŋ la masla la abà aw.

<sup>6</sup> Baŋa məgodəy kà mədahama gay à vok la masla, ama mēda à huma à gay la madz à ahəŋ

la mөлөs la abà kà, mөdadfah fida la gay la abà, ңgaha la sləray la abà.

<sup>7</sup> Ama baņa mөdza à ahəņ la udfaka la abà, bokuba uwana Sufəl gami adza à ahəņ la udfaka la abà, anu la maham gay à vok la azladza anik, kiya uwaga kà, aņiz aņa Yesu, Kona aņa, apalla tsakana gami gesina.

<sup>8</sup> Baņa: ‘Anu azlaməna tsakana aw’, mөгodf kà, mөdāvavar gəl gami, ңgaha kà dziriga la ahəņ la anu la abà aya aw.

<sup>9</sup> Ama baņa mөpəhla tsakana gami à Zəzagəla, məslala vok, məfa gəl à masla à afik. Kà uwana adahà sləray kà la tetəvi aņa. Dziriga, adəmats tsakana gami ala, ңgaha adəpalanula mawisiga gami ala gesina.

<sup>10</sup> Baņa: ‘Anu azlaməna tsakana aw’, mөdapaka Zəzagəla ala bokuba masla fida, gay aņa azlak anu aya aw.

## 2

### *Kristu kà masla mazlak anu*

<sup>1</sup> Azlabəza gay ləv gulo, gətsetser à akul uwanay, kà akul aņa madfah tsakana aya aw. Baņa dza anik adfah tsakana, anu la masla mazlak anu anik, uwana nekwa la slaka Baba, Yesu Kristu, masla uwana dziriga,

<sup>2</sup> azlaka anu. Takədf masla kà madegolay tsakana gami. Adahà uwaga kà aņami pəra aw, kà aņa azladza gudəņ à vok gesina, kà tsakana aņatà aņa mamats ala.

<sup>3</sup> Kiya uwaga, baņa mөkəs mapəhay aņa, kiya uwaga mөsəl masla la dziriga.

4 Dza uwana: ‘Gəsəl Zəzagəla’, agodf, ηgaha akəs mapəhay aηha aw, dza uwaga kà, masla fida, dziriga la ahəη la masla la abà aw.

5 Ama dza uwana afa mapəhay aηha à ahəη la ləv, masla kà dza uwana la masal dziriga. Aganay masəlay uwana apəhanula maham gay à vok gami la Zəzagəla.

6 Dza uwana agodfay la dazuwaya: ‘Gi la maham gay à vok la Zəzagəla la abà’, say adza à ahəη bokuba madz à ahəη aηa Yesu.

### *Mapəhay mawga*

7 Azlaməna gay ləv gulo, gətsetser à akul mapəhay mawga aw, kà uwana uwanay gətsetser à akul kà mapəhay maviyaga, kabəzəwwal uwaga dagay la madzəka. Mapəhay maviyaga uwaga kà gay Zəzagəla uwana katsanəwwəη.

8 La azlaslaka anik gətsetsèr à akul, bokuba azlamapəhay mawga dziriga aηha. Apəhla ala la Kristu la abà, ηgaha apəhla vok ala la akul la abà babay. La hadfay, mələs aηa madiy aηha, ηgaha ufaka dziriga aηa maudfay adagay.

9 Dza uwana: ‘Gi la ufaka la abà’ agodf, ama adzedzin deda aηha bà gotənanη kà, dza uwaga kà aga la mələs la abà aya.

10 Dza uwana awoya deda aηha, adza à ahəη la ufaka la abà, masla aga la zlamtsa kà madukw dza anik à tsakana à abà aw.

11 Ama dza uwana apəsew deda aηha, adza à ahəη la mələs tabadammaga la abà, ηgaha asəl slaka uwana aday aw, adapaka guləf.

<sup>12</sup> Azlabəza, gətsetser à akul uwanay kà, kà uwana tsakana aṅkul adàmatsila. Zəzagəla adàmatsakullanṅ ala kà uwana Yesu avà gəl aṅha kà aṅkul.

<sup>13</sup> Azlababa gətsetser à akul, kà uwana kasəlaw masla agà la ahəṅ dagay madzəka. Azlabəza kohana, gətsetser à akul kà uwana kadūwàw seteni.

<sup>14</sup> Azlabəza gətsetser à akul kà uwana kasəlaw Baba. Azlababa, gətsetser à akul kà uwana kasəlaw masla agà dagay la madzəka. Azlabəza kohana, gətsetser à akul kà uwana akul azlan-dzəda ndzəda, ṅgaha gay Zəzagəla aga la akul la ahàl, ṅgaha babay kà uwana kadūwàw seteni.

<sup>15</sup> Kawoyaw gudəṅ à vok aw, kawoyaw azlatatak uwana la gudəṅ à vok la abà babay aw. Masal aṅa Baba Zəzagəla aga la ləv aṅa dza uwana la tsəh, awoya gudəṅ à vok aw.

<sup>16</sup> Kəla tatak uwana aṅa gudəṅ à vok, kà madzugway mawisiga aṅa sləb vok, makəḏ yewdi à uwana à vok mənəṅaṅ kà maβəzal, magay zlapay lakəl aṅa uwana məkoray, azlatatak uwaga gesina kà, tatsa à waṅ kà la slaka Baba Zəzagəla aw, ama tatsa à waṅ kà la gudəṅ la vok pəra.

<sup>17</sup> Gudəṅ à vok uwanay kà, masla la uwaga adəv à gay. ṅgaha kəla tatak uwana dza adzugway la gudəṅ la vok, adədəv à gay babay suwaṅ. Ama dza uwana adəh uwana akəs à Zəzagəla à gəl kà, adədza à ahəṅ aṅa koksikoksi.

*Masla məzam aṅa Kristu*

18 Azlaməna gay ləv gulo, makəf gəl à ahəŋ kà adàgay nekwa nekwa. Katsənaw uwana tapàh kà: Leri masla məzam aŋa Kristu atsa à waŋ. Ama lagonay, aŋuvaw azlaməna məzam aŋa Kristu tasàhàh à waŋ, haday. Uwana apəhanula kà, makəf gəl à ahəŋ kà nekwa nekwa.

19 Tetuw tetuw, azladza uwaga taga la akul la dziriga aw. Kà uwaga à uwana, tasak anu vok ala. Haday ndzer, agayŋa tagay la anu kà, naka tadza à ahəŋ la anu. Ama taga azlaaŋami kà aŋa gay gə pəra, gay gə la uwaga tasaka anu à ahəŋ kà uwaga aŋa madzədfa kà baməraka tekula aŋatà kà, adəb à anu à vok aw.

20 Kà aŋkul kà, kabəzàw Masasəfok Zəzagəla. Kristu adzadzəb akul à gəl, kà uwaga à uwana kasəlaw dziriga gesina.

21 Baŋa gətsetser à akul kà, kà uwana kasəlaw dziriga, awkà kà uwana kasəlaw dziriga aw aw, ama gətsetser à akul kità kà, kà uwana kasəlaw babay, fida atsa à waŋ la dziriga la abà, tetuwa aw.

22 Uwa à masla fida uwa? Dza uwana agoɔfay la paraka kà: Yesu kà Kristu aw. Dza uwaga la uwana, masla məzam aŋa Kristu, masla akweska atə səla nna, Baba Zəzagəla atə la Kona aŋha.

23 Haday, kà dza uwana akweska Kona, kà akweska Baba babay aya. Kà aŋa dza uwana asəl Kona kà, aga la Baba babay suwaŋ.

24 Ama akul katsənaw uwaga dagay madzəka, tatak uwanay kasàkàwwal adza à ahəŋ la akul la abà. Baŋa tatak uwana katsənàwwəŋ dagay madzəka adza à ahəŋ la akul la abà, kà akul

babay kadzaw à ahəŋ la Kona la abà, ŋgaha la Baba la abà babay suwaŋ.

<sup>25</sup> Aganay tatak uwana Kristu apèh à anu à ahəŋ, kà mav à anu sifa uwana adəv à gay aw.

<sup>26</sup> Gətsetser à akul tatak uwanay, kà lakəl aŋa azladza uwana tayàh mavavar akul.

<sup>27</sup> Baŋa kà aŋkul kà, Kristu adadzàb à akul Masasəđok tsikasłaga aŋha à gəl, kà Masasəđok uwaga aŋa madz à ahəŋ la akul la abà, akul kà manəkudfa aŋa matapakulla tatak aŋa dza aw. Hadfay ndzer, Masasəđok Zəzagəla atapakulla azlatatak gesina. Uwana Masasəđok apahla ala kà dziriga, awkà fida aw. Gay gà la uwaga, məkəs uwana Masasəđok atapànula, uwaga asal magoday: Dzàw à ahəŋ tekula la Kristu.

<sup>28</sup> Iyay, azlabəza gay ləv gulo, dzàw à ahəŋ la Kristu la abà, kà aŋami kà məgəđfaŋ à afik, ndzer baŋa adàwul à waŋ, kà ləv gami aŋa mahənla la zirui, la huma aŋha, la mavakay uwana adàwul à waŋ aw.

<sup>29</sup> Kasəlaw kà Kristu kà dziriga, kità babay kà, kəla dza uwana akəs, uwana akəs dziriga kà, masla kà dziriga babay suwaŋ, dza uwaga kà, masla dza aŋa Zəzagəla.

### 3

#### *Azlabəza aŋa Zəzagəla*

<sup>1</sup> Nəŋàw mawoy anu aŋa Baba tsi, mawoyəŋ aŋha aga la ahəŋ kaykay, azalàkulla azlabəza aŋha, ŋgaha uwaga kà dziriga, anu azlabəza aŋa Zəzagəla. Baŋa gudəŋ à vok awoya akul aw kà, kà uwana asəl Zəzagəla babay aw.

<sup>2</sup> Azlaməna gay ləv gulo, lagonay kà, anu azlabəza aŋa Zəzagəla adagay. Ama Zəzagəla adapəhla ala la dazuwaya dadəŋ à uwana mədàbəzal vərđi anik, aw. Ama mədàbəza uwaga la kaslà uwana Kristu adapəhla gəl aŋha ala la paraka, mədəgay kiya masla, kà uwana anu mədànəŋəŋ huđ adi aŋha la yewđi gami.

<sup>3</sup> Kəla dza uwana asal manəŋ Kristu, say adəhəŋ haŋkəli, kà masla aŋa madəbani tsakana aw, kiya uwaga kagaw sətaka, bokuba Kristu uwana sətaka babay.

<sup>4</sup> Kəla dza uwana adəhəŋ kà tatak mawisiga pəra, uwala adəh mapəhay aŋa Zəzagəla aw, akweska mapəhay aŋa Zəzagəla, kà masla aŋa madəh tsakana.

<sup>5</sup> Ama kasəlaw kà, Yesu, Sufəl gami asà à waŋ à gudəŋ à vok, kà mazəb tsakana à azladza la kəl ala. La masla la abà kà, tsakana la ahəŋ aw.

<sup>6</sup> Kəla dza uwana adza à ahəŋ kà la masla la abà kà, adəh azlatatak mawisiga aya aw, ŋgaha dza uwana ada à huma à gay la madəh azlatatak mawisiga kà, adanəŋ Kristu la tetuw tetuw aw. Asəl masla đikidiki aw.

<sup>7</sup> Azlabəza gulo kavəw vok aŋkul à azladza tapapat akul aw! Dza uwana adəh dziriga, masla kà dziriga babay suwaŋ, bokuba Kristu uwana dziriga.

<sup>8</sup> Dza uwana ada à huma à gay la madəh azlatatak mawisiga, masla kà aga la ahəl aŋa seteni; seteni kà akweska Zəzagəla dagay madzəka, Kona aŋa Zəzagəla asà à waŋ, kà masla makaləh tatak uwana à ahəŋ, seteni adəhəŋ.

<sup>9</sup> Dza agay bëzi aṅa Zəzagəla la mayyi vok mawga, dza uwaga aslala vok aṅa maɗàh azlatatak mawisiga aya aw, kà uwana ndzəɗa aṅa Zəzagəla, uwana ayyà vok mawga, adza à ahəŋ la masla la abà, aslala vok kà maɗahàh azlatatak mawisiga aya aw, kà uwana adapaka kona aṅa Zəzagəla.

<sup>10</sup> Dza uwana aɗàh tatak uwana dziriga aw, ŋgaha awoya deda aṅha aw, dza uwaga kà kona aṅa Zəzagəla aw, aṅa seteni. Azlasləray aṅatà tapəhanula la paraka, kà uwana tavàhla la Kona aṅa Zəzagəla, kà atà azlaaṅa seteni.

### *Wòyàw vok kà akul à akul*

<sup>11</sup> Haɗay dziriga, uwana katàpawla teraṅa kà: Wòyàw vok kà akul à akul, tatak uwaga kà kada-tapawla dagay maɗzəka.

<sup>12</sup> Kità kà, dza anəfa tsəhay gà aṅa Kaynu aw, kà uwana masla kà agà kona aṅa seteni, akəɗf deda aṅha. Kà mana akəɗf deda aṅha ma? Kà uwana Kaynu aɗahàhà azlatatak mawisiga. Ama tatak uwana deda aṅha aɗahàhəŋ agàhàh dziriga.✧

<sup>13</sup> Azladede, ləv aval akul à gay à baṅa azlaməna gudəŋ à vok uwanay tapəsew akul aw.

<sup>14</sup> Ama məsəl kà mədasa à uda la mamətsay la abà, ŋgaha mədada à sifa à abà. Gay gà la uwaga à uwana məslala vok kà mawoy azladede gami. Dza uwana awoya deda aṅha aw kà, aga la ahàl aṅa seteni.

---

✧ 3:12 3.12 1Musa 4.8



15 Kà aṅa dza uwana awoya deda aṅha aw kà, masla makəf dza haɗfay, adàbəza sifa adəv à gay aw, tetuw tetuw aw.

16 Yesu Kristu kà, avà sifa aṅha kà aṅami, uwana adahàṅ kà, masla mapəhanula mawoyəṅ dziriga. Kità kà, anu babay məvə sifa gami kà aṅa azladedə gami suwaṅ zlà.

17 Baṅa dza gorobu anəṅa deda aṅha la kuɗa la abà, ama asal mazlakay aw, kakay dza uwaga agodəy kà: ‘Gəwoya Zəzagəla la ləv gulo’, agodəy ma?

18 Azlabəza gulo, asla kà magodəy ‘Gəwoyaṅ’, pəra aw, kapahaw azlagay namnamga pəra aw, masal dziriga kà apəhla vok ala kà la uwana la abà məfəhəṅ.

### *Guba akəs anu aw*

19 Aganay à tatak uwana apəhanula kà manəf tetəvi aṅa dziriga. Nḡaha aganay tatak uwana apəhanula kà guba aṅa makəs anu, kà mad à huma Zəzagəla aw.

20 Haɗfay, baṅa ləv gami apuwa à anu gudzi à gəl, məsəl kà Zəzagəla gami kà aduwà ləv gami, nḡaha məsəl babay kà, masla gami asəl tatak gesina.

21 Kità kà, azlaməna gay ləv gulo, baṅa ləv gami apuw à anu gudzi à gəl aw, guba akəs anu kà mad à huma Zəzagəla aw.

22 Zəzagəla kà adavà à anu tatak uwana mənəvay gesina, kà uwana məfàh tatak uwana: ‘Dahàwwàṅ’, masla agòf, la uwana akəsəl à gəl.

23 Aganay tatak uwana: ‘Dahàwwàṅ’, agòf: Fàw madzugway aṅkul à Kona aṅha Yesu Kristu

à afik, ɲgaha wòyàw vok akul à akul, bokuba uwana Kristu apèh à anu.

<sup>24</sup> Dza uwana akəs mapəhay aɲa Zəzagəla, ɲgaha adàdɔh slaka madz à ahəɲ aɲha à ahəɲ la ləv aɲha la tsəh, masla adàdza à ahəɲ la masla la abà. Uwaga kà Masasəɔfok uwana Zəzagəla avà à anu à uwana apèh à anu, Masasəɔfok uwaga aga la ləv gami la tsəh.

## 4

### *Azlaməna matapla mawisiga à azladza*

<sup>1</sup> Azlaməna gay ləv gulo, kafaw madzugway aɲkul à azladza uwana à afik gesina: ‘Anu la Masasəɔfok uwana atsà à waɲ la slaka Zəzagəla’, tagoɔ aw. Ama nərəzàw atà dadàɲ, kà akul aɲa masəl: atà la Masasəɔfok aɲa Zəzagəla ndzer. Haɔfay ndzer, azlaməna mapəh à atà gay ahəl fidaga la ahəɲ, uwana tadàsa à waɲ à gudəɲ à vok, tasləh gəl à ahəɲ gesina.

<sup>2</sup> Aganay tetəvi uwana kasəlawla à baɲa dza uwaga la Masasəɔfok aɲa Zəzagəla ndzer. Kəla dza uwana agoɔfay kà: ‘Yesu kà Kona aɲa Zəzagəla, asà à gudəɲ à vok, apakà dza bokuba anu’, dza uwaga kà, akor kà Masasəɔfok, uwana atsà à ahəɲ la slaka Zəzagəla.

<sup>3</sup> Ama kəla dza uwana agoɔfay kà: ‘Yesu kà Kona aɲa Zəzagəla aw, ɲgaha ndzer apakà dza bokuba anu aw’, dza uwaga aga la Masasəɔfok uwana asà à ahəɲ la slaka Zəzagəla aw. Ama dza uwatà kà la masasəɔfok aɲa masla məzam aɲa Kristu. Haɔfay, katsənàwwàɲ kà masla adàsa à

wanj. Lagonay kà, mēdanənjəŋ la gudəŋ la vok adagay zlà.

<sup>4</sup> Ama kà anjul azlabəza gay ləv gulo, akul azlaaŋa Zəzagəla, ŋgaha kaɖuwàw azlaməna mapəh à atà gay à ahàl fidaga uwaga. Masasədok Zəzagəla uwana aga la akul la abà aduwa masasədok aŋa azladza uwaga tetuw tetuw, kà uwana aŋatà kà aŋa gudəŋ à vok uwanay.

<sup>5</sup> Azladza uwaga tapəhay kalkal la gudəŋ à vok uwanay, kà uwaga tapəhay lakəl aŋa gudəŋ à vok uwanay, ŋgaha gudəŋ à vok akəs gay aŋatà.

<sup>6</sup> Ama anu, anu azlaaŋa Zəzagəla, kəla dza uwana asəl Zəzagəla, atsəb à anu sləm, ama kà aŋa azlauwana azlaaŋa aŋha aw, tatsəb à anu sləm aw. Kiya uwaga à tetəvi kà masəlay Masasədok dziriga aŋa Zəzagəla, ŋgaha masasədok mazila, kà kità ndzer.

### *Zəzagəla masla mawoyəŋ*

<sup>7</sup> Azlaməna gay ləv gulo, məwoya vok kà anu à anu. Kà uwana masal kà atsà à ahəŋ kà la slaka Zəzagəla, ŋgaha kəla dza uwana awoyaŋ deda aŋha kà, masla kona aŋa Zəzagəla, ŋgaha asəl Zəzagəla.

<sup>8</sup> Dza uwana awoyaŋ Zəzagəla aw, masla asəl Zəzagəla aw, tekeɖika Zəzagəla masla mawoyəŋ.

<sup>9</sup> Kiya uwaga à uwana, Zəzagəla apəhanula masal aŋha: Asləl Kona aŋha tekula gà uwatà à wanj à gudəŋ à vok, kà masla aŋa mav à anu sifa adəv à gay aw.

<sup>10</sup> Godega aŋa mawoyəŋ uwanay kà, Zəzagəla awoya anu, asləl à anu Kona aŋha à wanj, kà aŋa

mapis à anu gay à vok, ngaha amatsàn tsakana gami ala. Anu la uwana məwoyàŋ Zəzagəla teraŋa aw, ama masla la uwana atsà à vok à mawoy anu dadàŋ.

<sup>11</sup> Azlaməna gay ləv gulo, bokuba uwana Zəzagəla awoya anu kaykay kà, say məwoya vok kà anu à anu babay suwaŋ.

<sup>12</sup> Dza la ahəŋ adanəŋ Zəzagəla didi aw, ama baŋa məwoy vok kà anu à anu, Zəzagəla adza à ahəŋ la anu, ngaha azladza tanəŋəŋ la paraka masal aŋa Zəzagəla, uwana la anu la abà.

<sup>13</sup> Kiya uwanay la uwana, anu la maham gay à vok la Zəzagəla, masla adza à ahəŋ la anu la abà, masla avà à anu Masasəđok aŋha.

<sup>14</sup> Mənəŋàŋ, ngaha məpəh uwaga la kuda zləkkà: Baba asləl Kona aŋha à waŋ à gudəŋ à vok, kà masla aŋa mabəl anu.

<sup>15</sup> Kəla dza uwana apəhay la paraka kà Yesu kà: Kona aŋa Zəzagəla kà, masla adza à ahəŋ la Zəzagəla la abà.

<sup>16</sup> Anu məsəl masal uwana Zəzagəla awoya anu, ngaha mədakəs masal uwaga.

Zəzagəla masla masal. Dza uwana aga la masal uwaga la abà, masla la maham gay à vok gà la Zəzagəla, ngaha Zəzagəla la masla la abà bay.

<sup>17</sup> Aganay tatak uwana apəhanula kà masal aŋa Zəzagəla mahənlaga la anu la abà, guba akəs anu, kà kaslā aŋa seriya aw, kà uwana sifa gami adagay magagazləlaga la aŋa Yesu Kristu.

<sup>18</sup> Dza uwana adakəs masal ndzer, dza uwaga, guba azəŋ đikidiki aw, masal dziriga ahəlal

guba la vok ala. Ama dza uwana guba azèṅ kà mahənlaga la masal aw, kà uwana guba kà tatak tekula la seriya.

<sup>19</sup> Ama anu kà, məwoya Zəzagəla, kà uwana Zəzagəla atsà à vok à mawoy anu teraṅa.

<sup>20</sup> Dza uwana agoḏay: ‘Gəwoya Zəzagəla’, awoya deda aṅha aw, dza uwaga kà: Masla fida. Kayyà, kakay awoya Zəzagəla à masla uwana anəṅaṅ aw ma, ṅgaha kà awoya deda aṅha uwana anəṅaṅ la yewdi aw ma?

<sup>21</sup> Uwanay kà mapəhay uwana Yesu apèh à akul: Dza uwana awoya Zəzagəla, say awoya deda aṅha babay suwaṅ.

## 5

### *Madiṅal gəl à vok gami aduwa gudəṅ à vok*

<sup>1</sup> Kəla dza uwana adiṅal gəl à vok, kà Yesu kà dza, uwana Zəzagəla afəl dzakwa à gəl, agoḏay kà, masla kà mayyay aṅa Zəzagəla. ṅgaha kəla dza uwana awoya Baba, awoya mayyay aṅha babay suwaṅ.

<sup>2</sup> Kakay məsəlay kà masal gami la ahəṅ, anu azlabəza aṅa Zəzagəla la dziriga ma? Baṅa məwoya Zəzagəla la gəl aṅha, ṅgaha à baṅa məḏàh uwana masla apèhanula.

<sup>3</sup> Ndzer, dza uwana awoya Zəzagəla, masla kà adah tatak uwana masla apèhla ala babay. Uwana Zəzagəla apèh à akul kà, zlazladfa aw.

<sup>4</sup> Haday, kà uwana dza uwana mayyay aṅa Zəzagəla aslala vok kà maduw gudəṅ à vok. Tetəvi uwana aduwla gudəṅ à vok kà, uwaga kà madiṅ gəl à Yesu Kristu gami à vok.

<sup>5</sup> Uwa aslala vok aña maɗuw gudəŋ à vok uwa? Say dza uwana akès Yesu Kona aña Zəzagəla.

### *Sayda lakəl aña Yesu Kristu*

<sup>6</sup> Yesu Kristu kà masla uwana asà à waŋ. Asà à waŋ la iyaw aña batem aña, ŋgaha la aņiz aña mamətsay aña bay. Agà maɗahalla batem gà la iyaw pəra aw, ama la aņiz aña mamətsay aña bay. Masasəɗok tsikasla aza sayda lakəl aña kà uwaga dziriga, kà uwana Masasəɗok aña Zəzagəla kà masla fida aw.

<sup>7</sup> Kità kà, tatak makər la ahəŋ à uwana taza sayda aña.

<sup>8</sup> Masasəɗok tsikasla, la iyaw ŋgaha aņiz aya. Azlatatak makər uwaga kà tapəhanula lakəl aña tatak dziriga tekula: Yesu kà, masla Kristu, Kona aña Zəzagəla. Masla uwana apakà dza.

<sup>9</sup> Məkəs uwana azladza taziŋ, ama uwana Zəzagəla apəh kà, aɗuwa gay aña azladza uwana tapəh. Aganay uwana Zəzagəla apəh lakəl aña Kona aña Yesu:

<sup>10</sup> ‘Dza uwana adiŋ gəl à Kona aña Zəzagəla à vok, aɓəza sayda uwaga la ləv aña la tsəh. Ama dza uwana adiŋ gəl à Zəzagəla à vok aw, apaka Zəzagəla ala kà masla fida. Kà uwana akès sayda aña Zəzagəla uwana masla afà à gəl aña Kona aña aw.’

<sup>11</sup> Mana gay uwaga agodɗ à anu ma? Zəzagəla avà à anu sifa adəv à gay aw, sifa uwaga kà avà à anu, kà la Kona aña la abà.

12 Dza uwana la Kona, masla la sifa uwaga, ama dza uwana la Kona aña Zəzagəla aw kà, masla la sifa mawga aw.

*Sifa uwana adəv à gay aw*

13 Gətsetser à akul, kà akul aña masəlay kà, akul kà, akul la sifa uwana adəv à gay aw, ndzer, kà uwana kadiŋàw gəl à sləm aña Kona aña Zəzagəla à vok.

14 Aganay makəs vok aña uwana məslala vok aña maz à vok à slaka Zəzagəla. Guba akəs anu aw, kà uwana məsəl kà, baña mənava tatak à masla la tetəvi aña, kà masla: 'Ayyà', agod à anu.

15 Kà uwana məsəl kà atsəb sləm à baña mənawal tatak la matsizl à afik ndzer, uwana mənawal kà, adàvə à anu, ndzer.

16 Baña dza anəña deda aña anik adəh tsakana, uwaga adala à mamətsay aw, dza uwaga adəv kudfa kà aña deda aña uwaga, ŋaha Zəzagəla adəbasallaŋ la mawal sifa. Tatak uwaga kà ndzer, kà aña tsakana uwana adala dza à mamətsay aw pəra. Tsakana uwana adala dza à mamətsay la ahəŋ. Gənava akul, kà akul aña madəv kudfa lakəl aña tsəhay tsakana uwaga aw.

17 Dəwdəw tatak uwana kadfahawwaŋ la tetəvi uwana Zəzagəla apəh aw, uwaga gesina kà tsakana. Ama azlatsakana la ahəŋ, uwana tadala dza à mamətsay aw.

18 Məsəl kà mayyay aña Zəzagəla kà, adəh tsakana aya aw, kà uwana Kona aña Zəzagəla anəŋla, ŋaha ndzəfa aña seteni la ahəŋ lakəl aña aya aw.

<sup>19</sup> Amiyaka gudəŋ à vok gesina la ahàl aŋa seteni kà, ama anu kà, anu azlaməna huɗf gày aŋa Zəzagəla.

<sup>20</sup> Məsəl babay kà Kona aŋa Zəzagəla asà à waŋ à gudəŋ à vok. Masla avà à anu matsihila, kà anu aŋa masəl Zəzagəla la dziriga. Anu mədahama gay à vok la Zəzagəla la abà la dziriga, kà madegolay Kona aŋha Yesu Kristu. Yesu Kristu kà masla Zəzagəla la gəl aŋha, masla bay sifa, uwana adəv à gay aw.

<sup>21</sup> Azlabəza gay ləv gulo, ɗahàw hanəkəli kà azlamazlazlay fidaga.



**Wakità Zəzagəla Wakitə Anja Makəs Vok  
Slawda Mawga (Cameroun)  
Matal: Wakitə Zəzagəla Wakitə Anja Makəs Vok  
Slawda Mawga (Cameroun) (New Testament)**

copyright © 2019 Wycliffe Bible Translators, Inc.

Language: (Matal)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 28 Dec 2024 from source  
files dated 29 Jan 2022

03efbf2f-98ca-5534-8610-0be3a8c4b974